

O sanga'ayay a kapot no mako

I pasawaliay ko niyaro' no kapot no mako, mi'enapa^ to riyar ko loma' niira, saka mafana' ciira a midadangoy ano ca micekiw i lawac no riyar, caay ka talaw to tapelik no riyar ato kalidkid no 'alo^, awaay ko kafokilan niira to ngangan no kalofoting no riyar, ano ca o dateng no riyar.

Alamanan nani loma' mihawikid ciira to dateng no riyar a talapicodadan. Ira ko cikiw, ira ko kalang, ira ko damay, ira ko siraw. Maraod ko kalahokan tay:raw kami i lidong no kilakilangan, satatosa^ sa kami a komaen to mihawikidan niira nani loma' a dateng no riyar, salipahak sa kami a tatosa^. Naw iro o sanga'ayay a kapot ciira ano haenen haw i:.

Saka cecay: mafana' a pakemot pakatawa ciira. Ano pihololan to ano i picodadan to malipahak ko masakapotay a mitengil to pipakemot niira a pakatawa, maolah ko polong no masakapotay ato singsi i ciiraan. O kemot a pakatawa niira i tada maadah ko rawraw ato roray no faloco' a micodad.

Saka tosa^: Mafana' a pa'ayaw mipadang to kapot ciira. Ano ira ko rarimaay a kapot to maan a demak i, li'ayaw li'ayaw han niira a mipadang. Ira ko mahaenay a kapot i picodadan i, salahoday sa ko singsi a pa'ayaw to sito^. Ano kami to tono niyam i malipahak kami a cikapot i ciiraan. Nawhani, ira ciira i masinanot mahadimel ko taliyok no picodadan, o

nga'ayay a pinanaman to demak ciira.

Saka tolo^: Malalok a micodad ciira. Talacawa^ o pakoyocay ko paro^ no loma' niira, nikawrira malalok ciira a micodad. To dafadafak maratar a lomowad a mifingkiw to cacodaden, saka ciira ko samafana'ay no niyam a micodad. O pitodongan no niyam ciira to lalok a matayal ato picodad.

O malemeday kami a cikapot i ciiraan, nawhani matiya o kaka o ina niyam ciira mafana' a patado^ pa'ayaw to maamaan a dademaken, o manonengay a kapot niyam ciira, tada kaolahan ako i picodadan a kapot ato idang ciira.

Ira ciira i masakapotay i, makayhid niira ko polong no masakapotay. Nao matokaay a matayal ato micodad i mala malalokay to; o roma^ i, mafana' a mipadang to kapot a pa'ayaw. Mafalic ito a malanga'ayay to a masakapotay kami.

我最好的同學

我同學住在東海岸，很會游泳捉海瓜子，對海裡的魚類、海菜的種類了解很多。他是一位幽默又風趣的人。全班不論是出遊玩耍，或是在學校上課，他的幽默又風趣，讓我們心情舒緩不少，也解除了我們身心靈的疲累。他是善於幫助同學的人，幫助那些需要幫助的人。他是認真讀書的人，成績名列前茅，是我們學習的榜樣。跟他同班是我們的幸福，如同我們的哥哥、媽媽一樣，處處為我們着想，是我們最好的同學，也是我最喜歡的同學和朋友。